

Обрезание Господне

Ирмосы, глас 2-й

Песнь 1. Грядите людие,/ поим песнь Христу Богу,/ раздѣльшему море, и наставльшему люди,/ яже изведе из работы египетския,// яко прославися.

Песнь 3. Утверди нас в Тебе Господи,/ древом умерщвлѣй грех,/ и страх Твой всади// в сердца нас поющих Тя.

Песнь 4. Услышах Господи,/ слух Твоего смотрѣния,/ и прославих Тя,// едине Человеколюбче.

Песнь 5. Света Подателю,/ и веков Творче Господи,/ во свете Твоих повелений настави нас:// разве бо Тебе иного Бога не знаем.

Песнь 6. Бездна мя многа греховная окружает,/ и вопию Ти, пророка подражая:// от тли мя Господи возведи.

Песнь 7. Образу златому на поле дейре служиму,/ три твои отроцы небрегоша безбожнаго веления:// посреде же огня ввержени, орошаеми пояху:// благословен еси Боже отец наших.

Песнь 8. Неизреченною мудростию/ составляшаго всяческая Бога Слова,/ и от не сущих во еже быти Приведшаго,/ благословите дела яко Господа,// и превозносите во вся веки.

Песнь 9. Яже прежде солнца светильника Бога возсиявшаго,/ плотски к нам пришедшаго из боку Девичу,/ неизреченно воплотившая,/ Благословенная Всечистая:// Тя Богородице величаем.